

Instalacion Artistico di pareha Nouel:

Historia di placa Arubiano den siete kashi na Banco Central



ORANJESTAD(AAN): -- E pareha Gloria y Gustave Nouel a crea un instalacion artistico den sala di reunion di Banco Central di Aruba.

E instalacion artistico aki, traha den siete kashi, ta representa historia di placa y otro formanan di paga na Aruba.

Placa ta e azeta di e motor economico di Aruba y un parti di identidat Arubiano cu no por wordo negligia.

Den e instalacion artistico, Gloria y Gustave Nouel a etala e pasado y e situacion actual di placa na un manera artistico.

Pa directiva di Banco Central tabata di mas pa e pareha inclui e futuro di placa na Aruba den nan obra y consecuentemente e parti aki a keda afor.

E instalacion artistico ta wordo acompaña pa un texto científico di dr. A. Caram, cual ta completa e valor pedagogico y didactico di e obra.

Otro hende cu a aporta na e obra tabata señor Meijer, señor Odor di Museo Numismatico Aruba y señor Torres di Banco Central di Curacao.

Esaki ta prome biaha cu un aspecto asina importante di identidat Arubiano ta parece

Opinion Publico:

Servicio di informacion di Setar ta laga di desea

Hopi hende no ta contento cu e servicio informativo di Setar. A drenta diferente yamada na redaccion di DIARIO caminda personanan ta keda e forma con e servicio informativo ta traha.

Despues di keda basta largo ta ring, porfin un hende ta coy e telefoon y pa colmo ta cera e telefoon den bo orea. Esaki ta un forma di actua cu no ta pas pa un empresa manera Setar cu mester percura pa duna e servicio cu e consumidoran tin derecho ariba. Ta hustamente pasobra no tin un otro compania cu por duna competencia esaki ta sosode. Si tabatin un otro compania, di masha dia Setar lo a percura pa mchora su servicio pasobra sino e ta perde cliente. Ta di spera cu Setar lo percura pa mchora su servicio pa nos ta satisfecho.

den un obra artistico cu valor pedagogico y didactico.

Un punto fastioso ta cu e sala di reunion di Banco Central no ta un lugar publico.

Sinembargo, tur hende y tambe schoolnan cu tin deseo pa wak e instalacion por traha un cita pa haci tal.

Ademas, Banco Central tin pensa pa traha postkaart y poster di e instalacion, tambe pa lanta fondo pa Museo Numismatico di Aruba.

Si e proyecto aki bay door,

tur hende lo por wak e instalacion cu e pareha artistico Nouel a crea, sin cu nan mester a bishita Banco Central.

Hende cu kier haya un bon vista di historia di placa na Aruba, mester corda pa nan haci un bishita na Museo Numismatico cu tin no solamente un coleccion di placa Arubiano pero tambe placa di henter mundo y te hasta placa di tempo di Jesus.

Riba foto, Gloria y Gustave Nouel dilanti un di e kashinan.

Columna di finchi

Na Minister di Labor

Un fiel lector di DIARIO a FAX e siguiente carta pa worde publica den e columna aki y cu ta bisa lo siguiente:

"Ta bon pa Minister cu tin "Directie Arbeid" den su pakete, cuminsa haci un saneamento den e departamento menciona.

Dia cu Sr. Alwin Nectar a cuminsa traha na e Departamento di Labor el a cuminsa haci un bon trabao, pero semper ta e bonnan cu tin cu laga cay prome.

Mester cuminsa saca e apel putrinan y pone sanger fresco cu por haci nan trabao manera nan a huramenta p'e.

Control pisa mester bini riba stranheronan cu tin permit pa traha como koki o helper den cushina, pero ta traha como metsla.

Tin grupo di stranhero cu ta traha na edificio canto di caminda publico y ningun controlador a miranan".

"Tin un of mas cu ta haci manera cu e of nan ta controla, pero ta sali cu cerbez of cuminda na man. Di control nada!

Ayera mainta, como un ciudadano cu a mira algun chinees ta traha como metsla y helper na un edificio banda di un restaurant, mi a yama Oficina di Labor y e telefonista a pasa e yamada pa e departamento di control.

Despues di a splica e empleado publico di Oficina di Labor pa kico e yamada ta, el a bisa cu lo pasa e yamada pa un otro colega cu ta atende e asunto di control.

E telefon a zona "klik" y a sera. Tres vez a yama e number 837720, pero en vano.

E ta ring te sera, sin haya contesta. E telefonistanan y controleurnan na e departamento menciona no ta realiza cu ta cu placa di pueblo nan ta come, bebe y bisti".

"E placa cu nan ta cobra no ta di gobierno, cu pa patronaje politico, a pone nan na e departamento menciona, pero ta placa di e Pueblo cu ta paga Belasting.

Minister di Arbeidszaken, mester cuminsa traha un ley cu por pasa den 24 ora, si un parlamentario no dicidi cu e tin cu tuma un fin di siman pa e studi'e.

E ley mester ta stipula cu por lo menos 70 por ciento di trahadorman den un compania of negoshi na Aruba mester ta Arubiano.

Un ley asina aki ta na interes di e Pueblo y pa e caha di Gobierno como e placa ta keda circula na Aruba mes.

No mester ta, manera ta actualmente cu tur fin di siman, quincena of fin di luna un montante basta grandi di placa ta bay pa exterior, cu e stranheronan, cu tur derecho ta manda pa nan famia", te asina leu e carta di un fiel lector di DIARIO.

Lectornan interesa den publica algun inquietud of sugerencia den Columna di Finchi, por yama DIARIO na e number di telefon 826747, manda carta cu number y adres of pasa personalmente na redaccion.

OPORTUNIDAD PA TRABAO

Si bo deseo ta pa progresa of si bo kier drenta den e tereno di aseguro, ALICO tin oportunidadnan pa Managers and Agente.

EKSIGENSIANAN:

- Edukashon minimo mester ta MAVO o experiencia den benta.
- Bon komunikashon y abilidad.
- Propio medio di transporte ta nesesario.

RENUMERASHON:

E paketo di kompensashon ta inklui lo siguiente:

- Seguro di mediko den grupo.
- Seguro di bida den grupo.
- Seguro Penshon den grupo.
- Paketo esentivo pa benta.

Oportunidad tambe pa agentenan ku experiencia.

Por favor dirigi bo solisitu na:

Director of Agencies

Landhuis Groot Kwartier

P.O.Box 558

Willemstad, Curaçao N.A.